

Sviament a Glion avra emprima rundella

■ (rtr) Il plazzal dal sviament a Glion è in dals plazzals ils pli gronds dal chantun Grischun. L'avertura da quest sviament è planisada per la fin 2016. Questa stad vegn dentant gia averta ina emprima rundella dal sviament. Il preventiv dal plazzal munta a circa 25 milliuns francs. L'avust 2013 han las lavurs cumenzà. Bajegià vegni duas rundellas ed ina punt sur il Rain. L'avertura dal sviament è planisada per la fin 2016. Questa stad vegn den-

tant gia averta ina emprima rundella dal sviament. La rundella sa chatta da la vart dretga dal Rain, da la vart da la val Lumnezia. Tenor *René Simeon* da l'uffizi da construcziun bassa dal chantun sto ina part da la via s. Martin che maina en val Lumnezia vegnir bajegiada da nov. Davent da l'avust, durant circa sis emnas, è la via serrada cumplettamain per tut il traffic. En quest temps vegn il traffic manà tras la zona d'industria da Glion, sper

il santeri ora enfin tar la rundella pertutgada. Davent da la rundella san'ins lura puspè ir sin la via existenta. La punt dal sviament è gia bajegiada enfin sur la lingua da la Viafier Retica. Tenor plan duess la miraglia da la punt esser finida enfin l'en-tschatta 2016. Schi na dettia betg incaps pli gronds quinta René Simeon che las lavurs gajan a fin sco planisà. L'avertura uffiziala dal sviament duess succeder la fin october 2016.